

上海縣志卷之二

水利

疏河道兼江神禹之勤至矣玄圭告成乃復盡力  
溝洫者以治田也故農田水利合爲一書郡縣  
亦設有專職以水之爲利害也松固澤國然海  
邑與三縣異青溪淡涵皆止水華婁有間矣然  
上流澄渟爲力差易海邑瀕江環海朝朝夕汐  
其流渾渾與濁河同惟時務開濬則可以溉禾  
柔而寧幹止也今吳淞江濬爲通渠得其本矣  
績俱次第書之俾長茲土者有以考焉

海

海在縣東七十里北起嘉定南抵華亭爲縣所轄松  
江與黃浦合流入焉混茫無際東接諸番惟日本  
最近宋元間入貢皆由青龍市舶司後漸徙于四  
明貢者不復取道沿海皆淺灘物產不逮閩浙百  
一俗號窮海獨鹽利爲饒自清水灣以南川沙以  
北水鹹宜鹽故舊置鹽塲近有沙堤壅隔其外水



味寢淡滷薄難就而煮海之利亦微矣先時潮汐  
由吳淞江口入朔望率以子午為信萬曆八年潮  
洪李家洪去故道南二十里許潮汐遂早數晷按黃  
家灣界碑去海二十里今界碑數以是松江故道  
武之外即成巨浸是海已內徙矣  
悉被渾泥湧入易于淤塞且颿船出沒尤便一有  
不虞禍且叵測司筦鑰者慎諸

海人驗候云山擡風潮來海陸風雨多皆不誣擡  
謂海水擡起常所迷望之山皆在目也或云蜃氣  
為然陸俗云萬  
喙聲也音薩

周繇詩 蒼茫空泛月四顧絕人煙半渡中華岸  
傍通異域 船島間疑有國波外恐無天欲作乘槎

上海縣志

卷之二

二 水利

客翻然  
去隄年

殷弼海上詠懷詩 吳淞江口海門東萬里京師  
咫尺通白柁紅旗三月浪紫簫花鼓午潮風十年  
荏苒軍儲絕四境蕭條水陸空况  
忍疲民窮到骨夜溪葵婦哭蒼穹

胡儼詩 積水渺無極歸墟那可窮百川宗浩漾  
一氣接鴻濛若木崑崙外扶桑日本東蜃樓衝霧  
白鯨鬣鼓波紅驅石何年到乘槎有路通光分歌  
落月聲急度長風潮汐盈虛候魚龍變化工修鱗  
初擊水巨鵬已搏空河伯心神駭天吳氣勢雄重  
淵陰火冷孤嶼曉光融方丈瑤臺隱珊瑚鐵網籠  
犀燈愁恠室鮫涕泣珠官鹵莽迷寒鷗蒼烟鎖斷  
虹盧敖遊汗漫徐市給兒童蠻客舟如葉離翁髮  
似蓬波斯徒宵宵精衛苦匆

御史馮允中詩 九州一撮倚浮空江漢無分日  
夜東混沌直包天 一外乾坤原屬有形中望窮島



嶼神仙杳幻結樓臺  
蜃氣融靈秀  
獨當何處是五雲  
浚處莫鴻濛

推官王綸詩  
危臺徒步晚涼生  
望極東南地勢  
傾開切一元真有數  
沃焦千里信難名  
風捲雲去

金山近月湧潮來自  
滾生通道  
蠻口頻入貢樓船  
誰復事長征

張之象詩  
茫茫滄海浩無涯  
五色樓臺簇  
蜃霞瑤島但看明滅  
外不知何處是仙家

### 江

松江在縣北舊名吳淞江後以水災去水從松亦曰  
松陵其源出太湖東注于海卽禹貢三江之一自  
吳江長橋東流至長洲尹山北流至甫里東北流  
又過華亭澱山乃入縣境在宋盛時范歐蘇葉諸

### 上海縣志

#### 卷之二

#### 三 水利

公皆建修濬之策而毛漸徐確邗亶輩相繼開鑿  
之然潮汐壅聚隨濬隨塞屢爲浙西之患元泰定  
大德間任仁發請于朝疏導者再迄明初僅通舟  
楫而已永樂間戶部尚書夏原吉正統間巡撫侍  
郎周忱天順間巡撫都御史崔恭成化間巡撫都  
御史畢亨嘉靖間巡撫尚書李充嗣皆嘗濬治互  
有利病迨嘉靖末江爲平陸矣隆慶己巳巡撫都  
御史海瑞復濬自縣境屬于崑山畧灣取直江流  
湍駛雖未盡復故道而廿年灌莽之區漸成沃壤



百姓咸尸祝之萬曆丁亥特設水利道以副使許  
應達領之其工亦首濬吳淞未幾淤澱復爲平陸  
本朝康熙十一年巡撫都御史馬祐請發公帑重濬  
百年湮塞一旦疏通厥利甚溥但江口一段以直  
取勢稍棄紆曲故道地師家謂水不環抱將來城  
中富貴不能如未塞以前之盛俟有識者辨之

葉清臣松江秋泛賦 澤國秋晴天高水平遙山  
晚碧極浦寒清循遊具區之野縱泛吳淞之濡東  
瞰滄海西瞻洞庭槁葉微下斜陽半明樵風歸兮  
自朝暮夕溜滿兮誰送迎浩霜空兮一色橫霽景  
今千名於時積潦未收長江無際澄瀾方興扁舟  
獨詣社橋初黃汀葭餘翠驚鷺朋飛別鶴孤暖聽

上海縣志

卷之二

四 水利

漁榔之遞響聞牧笛之長吹既覽物以放懷亦思  
人而結袂若夫敵寇旣平霸圖初盛均憂待濟同  
安則病魚貪餌而登鈎鹿走險而忘命一旦辭祿  
揚舲高泳功崇不居名存斯令達識先明孤風孰  
競又若金耀不融洛塵其蒙宗城寡捍王國爭雄  
拂衣洛土震耀江東拖翠綸兮波上贈蟬翼兮杵  
中倘卽時之有適遑我後之爲恫至如著書笠澤  
端居甫里兩槩汀洲片帆烟水夕醉酒壚朝盤魚  
市浮游塵外之物嘯傲人間之世富詞客之多才  
劇騷人之清思緬三子之清徽諒隨時之有宜非  
才高見棄于榮路乃道大不容于禍機申屠臨河  
而蹈壅伯夷登山而食薇皆有爲而然爾豈得已  
而用之別有執簡仙瀛持荷帝柱晨韜史氏之筆  
暮拂使臣之斧登覽有澄清之志臨遣動光華之  
賦何從欲之流滋慰遠遊之以懼肇提封之所履  
屬方割之此憂將濬疏于滙川其極濟乎眇疇轉  
白窠之新渚據青龍之上游濯埃垢于緇袂刮病  
膜乎昏眸左引任公之釣右援仲由之桴思勤官



而裕民乃善利之遠猷彼全身以遠害蓋孔臧于  
自謀鮮鱗在俎真茶滿甌少回俗士之駕亦未可  
為茲江之羞

宋之問詩 宿帆震澤口晚渡松江濱棹撥魚龍  
窟舟衝鴻雁羣寒潮頓覺滿暗浦稍將分氣赤海  
生日光搖湖起雲水鄉盡天衛歎息

為吳君謀士仗劍死至今悲所聞  
劉長卿詩 洞庭初下葉孤客不勝愁明月天涯  
夜青山江上秋一官成白首萬里寄滄洲久被浮  
名繫能無愧海鷗

推官王綸和 孤孽無安枕長懷千里愁露寒江  
館暮雲淡海城秋飛葉聞空砌鳴鴻過遠洲念機  
愧漁父隨水泛鳧鷖

白居易松江觀魚 震澤平蕪岸松江落葉波在  
官常夢想為客始經過水面排層網船頭簇綺羅  
上海縣志 卷之二 五 水利

朝盤膾紅鯉夜燭舞青蛾雁斷知風急

潮平見月多繁絃與促管不解和漁歌  
許渾泊松江渡 故國今何在扁舟竟不歸雲移  
山漠漠江濶樹依依晚色千帆落秋聲一雁飛此  
時兼送客凭檻獨沾衣

鄭谷詩 十年五年岐路中千里萬里西復東四  
馬愁衝晚村雪孤舟悶阻春江風達士由來知道  
在昔賢何必歎途窮陽烹蘆筍炊菰米會向漁鄉作釣翁

范仲淹江上漁者 江上往來人但  
愛鱸魚美君看一葉舟出沒風波裏  
司馬光詩 吳山黯黯江水清欲雨未雨傷交情  
扁舟蕩漾泊何處紅蓼白蘋相映生 秋風索索

連江起暮過烟波十餘里長蘆  
瘦竹映漁家燈火渺茫寒照水  
陶宗儀曉發松江 客裏東風促去程沙棠舟小  
布帆輕衝人鷗鳥雙雙起近水桃花樹樹明故喜



吳淞堪寄食不愁江漢尚屯兵經綸事業成虛擲一寸葵心向日傾

趙孟頫詩 壯氣浮孤劍餘生寄短篷戰塵昏野色積雪晚春風北望旌旗滿南歸郡邑空江花與

江水客思兩無窮

袁凱沙途行 西起吳江東海浦茫茫沙途皆沃土當時此物不歸官盡養此地饑民戶紅尖小麥

畝二石荻蘆輪囷竟三尺紛紛赤線何足論瓜芋青秧密如櫛饑民得此不復饑昔無一物今五衣

子孫相仍二十載飽煖得與平民齊君恩如天不可負君恩能前不能後力微勢怯官不理一旦奄

與強家有強家犬馬厭菽粟強家下陳盡珠玉君不聞江頭浦邊三萬家秋雨秋風夜無燭

顧利賓再過松江 吳江三萬六千頃震澤與之俱渺茫鴻雁一聲天接水蒹葭八月露為霜西風

吹裂漁人笛落日偏驚估客航三十年前此來往塵纓猶未濯滄浪

上海縣志

卷之二

六 水利

張之象詩 江入松陵水接天秋風早發季鷹船千杯綠酒應須醉買得鱸魚不論錢

張錫懌泛吳淞江 天空日落晴霞起疎柳垂堤暮烟紫風動牙檣縱所如一撓劃破吳淞水

朝廷軫念十年畊畚鍤如雲水復平蒼茫西擁昌亭樹浩森東連滬瀆城憶昔三江神禹開玄圭告

錫淡沉災曾看萬壑魚龍舞幾見千軍輓餉來倏忽洪濤變塵土蕭蕭蘆荻成今古增租久矣上司

農督課猶然入水府父老吞聲已數年誰將巨斧闢桑田今看疏鑿功成後費得君王十萬錢

曹垂璩詩 如雲畚鍤草初青衣帶江城列繡屏波底魚龍懷故道天邊雁鷺下新汀工成恰漲桃

花水帆掛重披楊柳星從此東南無旱澇勞臣勛績自堪銘

徐允哲吳淞江行 吳淞之水震澤來波濤浩瀚走鳴雷百折東連赴滄海乾坤莽莽風沙開禹貢

三江茲其一神功底定嗟難及錫圭告命已消沉萬古滄桑變陵邑自經疏鑿幾千年東南每每多



原田中間興廢不可數則壤何由辨陌阡憶昔泥沙淤江澣平堤日夜飛塵土海公忠介費經營功存三吳利益溥星移物換不堪論百年事跡委荒塵曲徑叢篁陰翳日石田茅屋暗藏津江南重臣籌國計欲富民生先水利巡行露冕借訊謀計日鳩工重周視畚鍤如雲委任專眼看百里盡平川莫言經歲公旬力動費司農億萬錢春風浩蕩春潮起滾滾長流沒沙尾一片垂楊望若烟千帆柔櫓看如駛閤從江上問漁叢水底魚龍出沒多但願桑麻沾雨露長教澤國淨兵戈桃花掩映千林色五畝山園三畝宅半酒酣歌書畫船數聲欸乃烟波碧

滬瀆江在縣北一十里吳郡記曰松江東瀉海曰滬海亦謂之滬瀆凡水發源而注海曰瀆陸龜蒙云列行於海篋曰滬瀆是也晉史虞潭爲吳國內史

上海縣志

卷之二

七 水利

修滬瀆壘以防海寇通鑑晉隆安二年吳國內史

袁崧築滬瀆以防孫恩後竟死于是寰宇記云袁

崧城在滬瀆江上舊有東西二城其傍爲蘆子渡

俗呼蘆子城東西廣萬餘步有四門元時徙于江

中餘西南一角西城極小在東城西北兩傍有東

西蘆浦永樂大典云江側有滬瀆壘今攷其地松

江直趨而東又七十里入海無復有瀆兩岸皆平

疇茂林故壘寂然其東西蘆浦亦止通潮汐而已

皮日休詩 全吳臨巨溟百里到滬瀆海物競駢羅水恠爭滲漉



貢師泰詩 避難吳淞江出遊滬瀆壘世道苦變  
更形勢總壞圯我懷晉外臣孰似袁內史深慙盛  
時守無策正邦紀日暮仰北辰天寒  
一星紫尚想白登圍無言淚如水

唐奎詩 吳淞江上袁公壘于年何處尋遺址石  
犀半落江水中秋老蘆花三十里五百馬塵今尚  
飛秋秋赤子將安歸月明古

蝶急鼓鼙孤臣有淚空沾衣  
鄭元祐詩 東吳內史晉長城滬瀆千年並  
壘平莫向月明悲往事即今滄海已塵生

袁凱江上書懷 滬瀆城南秋氣高鶯鴉鳴雁各  
求曹不眠更識匡床穩欲去還思小几牢幾處尺  
書俱寂寞百年雙鬢獨蕭騷秋江

欲渡愁難渡風雨龍吟長怒濤  
屠隆詩 取酒臨青澗寒花故壘紅血沉金鏃冷  
鬼嘯白楊空鳥度悲風外月明清露中採蘋何處

薦流淚  
向袁公

上海縣志

卷之二

八 水利

孫作詠蘆子渡詩 吳江東來三百里派別松凌  
號松水何年此地列兩城千雉依稀照江汜東西  
相望似連珠大小欲學孤山孤大城已逐江沙圯  
小城獨在渡名蘆君不見當時好城市滿目黃茅  
兼白葦又不見船底邑千家官渡於今屬蘆子百  
年富貴一朝悲高門大宅號狐狸不信但看蘆子

渡日日船  
開秋雁飛

浦

黃浦在縣東大海喉吭也以黃歇故又名春申浦其

源受杭州嘉興之水起自秀州塘經華亭縣界又

迤而東以入南北兩涯之水迨至南廣福寺則折

而北趨于縣以受東西兩涯之水至元大德間浦



面濶盡一矢力泰定中建閘于旁近上流勢緩沙積兩濬遂成沙塗居民因時葭葦淺狹過半稍北舊名范家浜明朝洪武間吳淞江淤塞潮汐不通永樂元年邑人葉宗行上書言濬江通海引流直接黃浦濶三十丈遂以浦名今橫濶二里許又折而東北合于江以達海其兩涯孔道則置身以渡往來利涉民甚便之然舟人嗜利雖風濤洶湧非滿載不發多有覆溺之患漁人椽棧張巨網絕流宵濟者誤觸網口溺入爲魚鼈長茲土者其留意

上海縣志

卷之二

九 水利

焉

陸龜蒙迎潮送潮辭 序云余耕稼所在松江南旁田廬門外有溝通浦漵而朝夕之潮至焉天弗雨則軋而留之用以滌濯灌溉及物之功甚鉅其羸壯遲速繫望晦盈虛也用之則順而進捨之則默以退有類乎君子之道翫而感之作迎潮送潮辭二首聊寄聲於騷人之末 江霜嚴兮楓葉丹潮聲高兮墟落寒鷗巢早兮漁箔短遠岸沒兮光爛爛潮之德兮無際既充其大兮又充其細密幽人兮欵柴門寂莫流連兮依稀舊痕濡餘澤稿兮潮之恩不尸其功兮歸于混元 潮西來兮又東下日染中流兮紅灑灑汀葭蒼兮水蓼枯風牢騷兮愁烟孤大幾望兮微將翳晦搜羸溶兮欵然而退愛長波兮數數一幅巾兮無纓可濯帆生塵兮棹有衣悵潮之歸兮我猶未歸 張之翰詩 黃浦春風正怒號扁舟一葉渡驚濤諸君來問民間苦何用潮頭幾尺高



袁凱詩 我有茅堂南浦溥迴岡千尺晝陰陰繁  
花映帶墟烟密弱竹留連海氣淡寂寂軒窗惟鳥  
下蕭蕭風雨亦龍吟東家野  
老猶淳朴酒熟花香數見尋  
王逢浦東女兒行 浦東巨室多豪奢浦東織女  
長咨嗟丁男殉俗各出贅紅女不暇親桑麻鵲鳩  
呼雨棟花紫大麥飯香勝小米一方青布齊果粟  
赤脚踏車爭捲水水低岸高力易歇汲水上田愁  
滿缺穀種看如瓜子金野鴉不啣田鼠竊黃草衣  
薄風披披日色照面蒼烟姿南鄰北伴更貧苦糟  
糠糜粉隨朝藿阿婆送茶相向語鉅室新爲州縣  
主妻拜夫人婢亦榮繡幃朱輪照鄉土牛羊下來  
雞欲棲汪汪淚眼數行啼女自  
身長苦非一歸路白楊斑竹西  
曹泰詩 月照黃龍浦水黃南飛鳥鵲夜茫茫  
潮天接海門遠秋草城埋滬瀆荒洲上人家金井  
塌縣中官酒玉缸香百年來  
往今頭白消得先生醉幾場

上海縣志

卷之二

十水利

王縝詩 三載南巡休未休一帆上海信潮流簡  
書剛爲軍儲急絲繭誰寬村巷憂事到安排終費  
力人無貪戀更何求滔滔莫  
道行來遠我道滄洲合遠遊  
張穀黃浦夜泊和樊太守詩 碧山如畫暮雲收  
龍浦經行只暫留正憶楚臣吟澤畔却憐杜老哭  
江頭慣延國士勤三握肯向明時詠四  
愁我欲捭趨妨病暑思乘雪夜剡溪舟  
朱察卿浦上觀兵詩 河上翱翔一羽輕離離  
草陣雲生樓船十里秋江蔽甲帳千重午夜明水  
部却爲防禦使孤軍偏築受降城漢  
家麟閣淡如許好待將軍早策名  
張之象詩 黃浦遺名在昔朝百川東去海  
門遙兼天白浪高于屋何似錢塘八月潮



諸水

通江諸水舊圖經以趙屯大盈顧會崧子盤龍爲五大浦五浦之中趙屯大盈二浦尤爲至要趙屯大盈皆直受澱山湖水趙屯迤西爲白鶴江大盈迤東爲青龍江先正論湖水下流必由白鶴滙以達於江又謂由青龍江入海今白鶴青龍雖以江名僅同溝澮而已顧會盤龍從府郭來絕橫塘橫泖而顧會又名通波塘崧子又名崧塘二水同流異派顧會崧子西東爲淮浦爲艾祁浦朱壑浦華潮浦赤眼浦爲華漕爲西舊江爲周涇崧子南爲北平浦北爲烏塘烏塘東爲石溜澗盤龍迤東爲沙岡塘爲小萊浦爲許浦魚浦郭巷浦爲橫瀝爲新涇爲東西上澳爲大小蘆浦爲上海浦張家浜馬家浜爲東溝西溝爲南踰浦由許浦而出爲五漕由郭巷而出爲莊家涇由新涇而出爲蒲滙塘其東卽龍華港凡江之南通江塘浦具於是在元時則新涇爲要觀吳執中論順蕪水勢注江達海僅有上海之新涇太倉之劉家港也今盤龍以東江



以南水唯在浦匯龍華二港達於黃浦入海爲利耳江以北水亦有蘆浦有橫瀝有徐公港有黃家港封家浜有楊林浦南北分流壺入于江會于黃浦東入于海海口爲嘉定界有界浜

浦旁諸水若語兒涇若韓倉港若姚港此爲浦北之水也若下步涇若巨漕若沙竹岡塘若夾溝若橫瀝此一水而貫乎浦之南北也若清水港何涇若蘆溝淡水瀝若聖堂港鸞竇湖皆二水夾浦若金滙塘其北南廣福寺在焉此則浦南之水也沙竹

上海縣志

卷之二

十三 諸水

橫瀝俱南入華亭堰海北入夫江竹岡之尾卽小菜浦橫瀝又名橫涇金滙又名江涇塘鸞竇又爲鸞脰今又訛爲櫻桃滙過鸞竇而東有牖港自新塲而西其水口正當浦之折處由牖港而下若鹽鐵塘沈莊塘若周浦塘三林塘若楊溜港黃溜漚此爲浦東之水也若陸道浜若唐子涇若南俞塘北俞塘若車溝若吳店塘若華涇若烏泥涇若龍華港若日赤港薛家浜肇嘉浜若方浜若南北侯家浜若洋涇浜此爲浦西之水也牖港自西而東



有义港又東爲大步涇又東爲水仙塘通白達口  
鹽鐵塘世傳吳越王爲此以運鹽鐵宋通判曹泳  
重濬更爲下沙浦時人惟呼舊名鹽鐵南爲都臺  
浦自牖港北流絕周浦沈莊三林諸塘通橫沔諸  
港都臺浦北爲運鹽河爲鹹塘極東抵捍海塘故  
有石筍灘有如筍植立沙中潮至分流名分水港  
今塘外內徧爲團塲煎辦鹽賦所在自一竈以至  
於九次第港皆名竈港楊淄港南一曲爲小黃浦  
有稱黃浦爲大黃浦者殆以此別之也楊淄港與

中新河通黃淄濃與白蓮涇合黃淄南爲中汾涇  
白蓮東北卽馬家浜乃若陸道浜又名枯樹港與  
唐子涇皆西貫鴛鴦湖其潮汐與湖吞吐南北俞  
塘皆自府郭東下溝亦從盤龍分支東流其起處  
爲六磊塘烏泥涇之西爲新村塘皆西通上澳  
聯股引北流散入龍華以下口赤薛家二浜俱通  
肇嘉浜之口有新洲舊志文輦洲人云卽高昌洲  
未詳浜水西通周涇陳涇西南出新港方浜西通  
柴浜蘆浦出夫江自薛家浜至洋涇皆爲縣市惟



黃浦自南而下過三林塘則匯而東為孫家灣又  
匯而西為龍華灣又匯而為高昌又匯而為江口  
浩浩湯湯直與江水合流於海

右諸水多有隸青浦者因原委相屬故牽連書之

肇嘉浜 在縣治南引浦水由東水關貫城而西分流  
支港蓄洩賴之因水關啓閉不時且夾閘闌  
易淤雖時加浚治旋復如故宜用舟載淤泥外徙  
庶免常濬 按此浜為邑幹河東貫城市西接蒲  
匯塘西郊二十里沃壤藉以灌溉自邑泛舟抵郡  
最便今竟湮為平陸早潦無資且行役者必從黃  
浦揚帆波濤殊險前令議欲開浚因塘長既禁工  
費無出康熙二十年間邑諸生陳完條議具呈巡  
撫部院慕天顏行府查議復因循中止然此浜開  
浚實不可緩將來民力稍紓終有待於興舉云

上海縣志 卷之二

諸水

薛家浜 在肇嘉浜南引浦水自東南經縣治而西因  
築城斷塞水無蓄洩積聚穢濁且堪輿家謂

水當與位其通塞係人文盛衰議鑿城復故道萬  
曆丁丑知縣敖選上之監司業已允行為有阻之  
者不果至萬曆己亥知縣徐可求申覆開濬嗣後  
屢濬屢塞康熙年間知縣陳之佐同在城諸紳捐  
貲重濬壩斷內郎家橋俾水勢迸流庶免積淤里  
中奸民憚運載紆曲陳甫夫任即偷決壩口以致  
復塞今知縣史彩毅然重濬捐貲募工於康熙二  
十三年仍壩斷郎家橋王簿李六德督工實心任  
事匝月告成 士民感悅

方浜 在肇嘉浜北由小東門水關經邑廟廣福寺而  
西因築城斷塞兩岸復多侵占存一衣帶矣

侯家浜 在方浜北舊從大浦入因築城斷  
塞今知縣史彩重浚復為通渠

半段涇 在縣治南接肇家浜由養濟  
院而西今知縣 重浚



穿心河

在縣治北受肇嘉浜南合于半段涇

郁婆浜

在薛家浜南其東達永興橋遺跡尚存其西達繡鞋橋

已上城市諸水

橫瀝塘

在竹岡東南直通黃浦北絕淞江入嘉定界

華漕

在三十保北入淞江宋元間道接青龍江故多商賈貿易漕邊富家以奇貨相雄今塞

曹泰拜朱祐母詩 夜艤華漕月曉登賢母堂辛勤出雞乘瓊重市春漿熊膽文章窟機聲薜荔墻

出門風景淡 喬木兩三章

許浦

在三十保南與橫瀝通北入淞江

郭浦

在保

上海縣志

卷之二

諸水

新涇

在二十九保北通淞江向南為中新涇通蒲瀝塘六磊塘入浦按顧或舊志云古名新涇浦浦

之支渠東有石橋浜周家浜菖蒲涇野奴涇彭家浜橫清涇交紋涇漁窪劉家浜蕭師浜西有陶涇

師家浜陸道浜五漕金家浜上江涇唐子涇橫涇皆支流通浦水以灌田疇其東為上澳浦水利集

云吳淞漕塞時太湖之水迂廻宛轉多由上海新涇返注于海

東上澳浦

西上澳浦

俱在二十六保金南通烏泥涇東通黃浦北達淞江

西蘆浦

大蘆浦

俱在二十七保今名蘆子金北入淞江中有沸井古于此置渡後飛梁南北人呼為江橋



上海浦 卽大黃浦下

馬家浜 在二十二保西溝東又東為東溝浦張家浦  
入海浦並南通都臺等浦西入淞江東北至

界浜與嘉定分界

東溝浦

西溝浦 俱在二十二保馬家  
浜在右西入淞江

南蹠浦 在二十二保按顧或志在上海東北三十六  
里其支流為東溝浦西溝浦馬家浜今縣東

北有水曰蹠浦曰大蹠浜其南近  
都臺浦疑卽南蹠浜之故跡也

椿樹浦 在二十  
二保

江苧浦 在二十  
二保

上海縣志 卷之二

橫浦 在二十  
二保

張家浜 在二十  
二保

界浜 在二十  
二保

已上吳淞江南岸諸水

虬江 在二十三保  
南入淞江

下海浦 在二十  
三保

桃樹浦 在二十  
三保

東奚浦 在二十  
三保

楊水浦 在二十  
三保



東沙洪

中沙洪

西沙洪

俱在三十保並南入淞江近苦淤淺所當亟濬

張涇

在二十九保

已上吳淞江北岸諸水

洋涇浜

在二十五保

陸家浜

在二十五保

陳家浜

在二十五保

榆木涇

在二十五保

上海縣志

卷之二

毛諸水

日赤港

在二十五保通肇嘉浜

龍華港

在二十四保接蒲滙塘東流過漁水窪東西上澳東南至百步橋入于黃浦故亦名百步

塘

蒲滙塘

在二十九保受盤龍泗涇二水東流合沙竹岡塘新涇諸水東出龍華在上海之西華亭

之東北黃浦之正西三縣于此分界

六磊塘

在十八保舊自盤龍分支東流為車溝東北為新村塘為吳店塘其北為夏家浜東流為

新港為烏泥涇東南為華漕港北為八尺港並入于黃浦今淤

曹湖涇

在二十六保

新村塘

在二十六保



吳店塘 在二十  
六保

烏泥涇 在二十六保其上有鎮北為鄭家漕為曹  
湖涇北即龍華港自西東流入于黃浦

車溝 在二十  
六保

張家塘 在二十  
六保

華涇 在二十  
六保

北俞塘 在十八保自府東門楊賣柴橋東流絕洞涇  
過張涇盤龍駟馬橋岡塘貫沙竹岡塘橫瀝

新涇東入于黃浦諺云  
得珠千解不賣俞塘北

南俞塘 在十八保自府東門張塔橋南東流過二三里  
汀至呂塘廟南入鹽鐵塘自呂塘廟分流東

為語兒涇入于黃浦華亭上海于此分界北通胡  
婆涇其南為荷涇又東為吳會鎮自荷涇東流為

上海縣志 卷之二 大 諸水

菱門塘至竹岡東南  
為陸道浜入於黃浦

吳衝涇 在  
保

陸道浜 在  
保

唐子涇 在  
保昔

鴛鴦湖 在二十一保按顧或志在上海西南五十五  
里週五里舊有邢寶二姓居此故名久而淤

塞訛為櫻桃蔣叅議性中所居近鴛鴦湖往來  
病涉公以縣官立坊物作橋濟之今已重浚

淡水瀝 在二十  
一保

紫岡塘 在十八保盤龍東其北通大磊塘止紫岡之  
西為沙岡東為竹岡為橫瀝為新涇新涇之

南古鴛  
賣湖也



竹岡塘 在十六保沙岡東首尾延巨如

沙岡塘 在十六保盤龍東其南絕黃浦至捍海塘而止北入淞江

夾溝 在十六保

東河涇 在十六保

姚港 在保

韓倉港 在保

語兒涇 在十六保南通黃浦

已上黃浦西岸分流之水

入海浦 在范家浦北其東為大隄浜並西入黃浦其東北至界浜嘉定上海分界

上海縣志 卷之二 范家浦 在縣東北舊名范家浜

黃淄漚 在二十四保楊淄漚北與白蓮涇合南為中汾涇

楊淄漚 在二十四保三林塘北與中新河通自北鹹塘西流入于黃浦

白蓮涇 在二十四保西通黃淄漚今通蔡洋涇出浦中

東新塘 在二十四保

西新塘 在二十四保

洋涇 在二十四保

三林塘 在二十四保周浦北白鹹塘西其流南為橫裊其北為杜婆涇西入黃浦

周浦塘 在十七保府志云一名杜浦東通水仙塘西流入浦明季淤成平陸順治五年里民顏君

无諸水



陶捐資開濬商民至今利涉

中新河 在二十

沈莊塘 在十九保下沙浦北其東通連家漕南折為崔坡塘並西入黃浦

翁家港 在十

邵瀝港 在十

崔坡塘 在十

下沙浦 在十九保舊名鹽鐵塘宋通判曹泳重浚鹽商舟楫往來交通改名曰浦自浦北流曰鹽

塘鹽塘之東為都臺浦又其東即運鹽河

開港 在十九保新場西流入黃浦其入處乃浦之折而北行在新場之東去海不遠故論者指為東

上海縣志 卷之二 三 諸水

江入海之故道未審其確下沙浦在其北今已淤塞所當亟濬

金滙塘 在十六保南接和尚塘北流過金滙橋西折為倪家灣北為岡涇塘入浦

魯家滙 在保

馬路港 在十九保一支自東北連一竈港亦自倪家行入

西流絕崔沙塘而南過石角倉橋踰新開沿三十里又絕青村運河出開港舊止築堤壅水以資灌溉稍旱則涸正德中居民倪升遠父子盛鸛崔兄弟相繼開浚自是潮汐大通水旱不竭卒為通渠

龍游港 在十

橫沔塘 在十

都臺浦 在二十保鹹塘東北流為連家漕又北為水塘又北為都家港為官路港又北為邵瀝



溝盆西通鹹塘鄱瀝之東為翁家港為陶河港  
東通運鹽河故曹家溝也天順中巡撫都御史崔  
恭疏浚深廣旱潦有備因名之以志不忘

鹹塘 在十九保自下沙塲北流絕沈庄周浦三林諸  
塘通中新河橫沔港西入黃浦漢三林之北為

北鹹塘又北為曲鹹塘

運鹽河 在十九保自下沙塲東循海塘北行以通諸  
團鹽運各有分支見顧或志 按運鹽河在

護塘內即俗稱裏橫港也北通界浜受潮汐而南  
直抵一團瀦洩攸賴且通隣近各邑泛舟最為利

便今已僅存一線逢旱則各團居民鳩衆疏鑿或  
遠引界浜或東通海水蓋愈北則去海愈近可以

接潮南注然止一時權宜之計必得設法  
疏濬仍接界浜潮汐乃為實興水利云

竈港 自一竈起至八竈止次第港俱從護塘內橫港  
分支皆名竈港 嘉靖四十二年大旱里民願

上海縣志 卷之二

綵捐貲開浚七竈港引潮汐  
以救枯苗有司給匾旌其門

已上黃浦東岸分流之水

堰閘附

將軍堰 晉左將軍袁  
崧所築因名

竹岡堰

沙岡堰

吳淞江閘

新涇木閘

潘家浜石閘



烏泥涇石閘

已上諸閘俱廢

薛家浜石閘

在小南門外萬曆二年知縣敖選築

郎家橋堰

在肇嘉浜因浦近城故築

日赤港石閘

在西城外六里許萬曆十二年本府通判鄒志學知縣顏洪範築

吳淞江新石閘

在北門外吳淞江二壩康熙十一年蘇松常道韓沅周築

護塘

沿海舊有遺址成化七年海潮泛溢九年巡撫都御史畢亨巡按御史鄭路督水僉事吳璠交

檄諸府縣修築時上海則知縣王崇之給餉授工從在境內者西接華亭縣東北抵嘉定凡長一萬七千七百四十八丈歲久頽圯修葺不時嘉靖二十二年倭寇為患巡撫都御史蔡克濂檄邑太學

上海縣志

卷之二

三 諸水

生喬鏗董其役鏗捐貲首倡兩月訖工凡九十里開水竇八

備塘

在護塘外自南一團起迤北至七團止長九千二百五十五丈五尺萬曆十二年知縣鄧炳起工

至十三年本府通判鄒志學知縣顏洪範訖工用過免役銀共六千八百九十七兩零



水利 治策

禹貢云三江既入震澤底定

史記云禹之治水于吳則通三江五湖

宋景祐初范仲淹守鄉郡上書宰相具言水利

畧曰姑蘇四郊畧平窳而為湖者十之二三西南之澤尤大謂之太湖納數郡之水湖東一派浚入于河謂之松江積雨之時湖溢而江壅橫沒諸港雖北壓揚子江而東抵巨浸河渠至多湮塞已久莫能分其勢矣惟松江退浴漫流始下或一歲大水久而未耗來年暑雨復為沴焉人必荐饑今疏導者不惟使東南入于松江又使東北入于揚子入于海也新導之河必設諸閘常時扁之以禦來潮沙不能塞也早歲則扁之駐水溉田可救曠涸之蓄潦歲則啓之疏積水之患

上海縣志

卷之二

三 水利

熙寧三年崑山人邴直上言水利六失六得具書與

圖及治田利害七事

直言環湖之地稍低常多水沿海之地稍高常多旱故古人治水之跡縱則有浦積則有塘又有門堰涇瀝而碁布之今欲畧循古人之法七里為一縱浦十里為一橫塘又因出土以為隄岸度用二萬夫水治高田旱治下澤要以三年而田畢治

元祐中宜興人畢鏐論吳中水利

畧云自慶曆二年以松江風濤漕運多敗官舟遂築松江長隄介于江湖之間橫絕江流五六十里震澤受數郡之水乃逼以長隄雖時有橋梁而流勢不速自江至海諸港復多沙泥漲塞菱蘆叢生是以三春霖雨則蘇湖常秀皆憂瀾漫宜先開江尾菱蘆之地遷沙村之民運其漲泥鑿松江隄為



木橋千所隨橋拱  
開菱蘆爲港走水

### 范成大水利圖序

畧云救災捍患之術其大槩有二曰作隄今之滕岸率去水二三尺人單行猶側足其上坎圻斷裂纍纍如蹲羊伏兔佃戶貧下至東作詩舉質以備糧種其勢無餘力以及畚鍤之工婦子持木杵接汚泥補綴缺空一蹴便隕秋水時至相以飄風莫之障防與江湖同波宜考紹興二十八年以來被水之由其邊鄰湖瀆土人所謂搭白之處增築長隄使高五六尺基廣七八尺以上秋冬之交潢潦乾源手足所及土皆可取閏春夏半年至秋雨風潮土已堅定草茅生之可恃爲安較之臨時補綴相去遠矣日疏水自趙霏鑿吳淞江積潦三十年歲無荐饑今吳淞之利自若而邑中諸港頗有湮鬱之處一二里間斷絕有之今宜行視凡出水之港皆決而疏之使水得肆行無留用工甚少效驗立見而隄岸始爲田用

### 上海縣志

### 卷之二

水利

### 蘇軾治水奏狀

畧曰議者多謂吳中水患蓋理之當然不可復以人力疏治是大不然父老皆言此患所從來未遠不過四十五年耳而近歲特甚蓋人事不修之積非特天時之罪也三吳之水瀦爲太湖太湖之水溢爲松江以入海海水一日兩潮潮濁而江清潮水常欲淤塞江路而江水清駛隨輒滌去海口常通故吳中少水患昔蘇州以東官私船舶皆以篙竹無陸挽者古人非不知爲挽路以松江入海太湖之咽喉不敢梗塞故也自慶曆以來松江始大築挽路建長橋植千柱水中宜不甚礙而夏秋漲水之時橋上水常高尺餘况數十里積石壅土築爲挽路乎自長橋挽路之成公私漕運使之日葺不已而松江始艱澁不快江水不快軟緩而無力則海之泥沙隨潮而上日積不已故海口湮滅而



吳中多水患

### 元至元間任仁發言開江

書云三江既入震澤底定乃三江已塞僅有吳淞一江沙高水淺不甚湍急今之言水利者謂水性就下導而使之通流而已河港陂塘狹者廣之高者下之塞者浚之瀰漫者隄防之人皆能言殊不知治水之法預識潮水之背順地形之高低沙泥之聚散隘口之緩急尋源泝流各得其當合開者開合閉者閉合隄防者隄防庶不徒勞民力而民享無窮之利

### 大德間都水庸田使麻合馬嘉集議吳淞江漚塞拯

#### 治方畧

水性潤下是故潮水就其地所順下而行此天地自然之理今太湖之水不流于江而北流入于至

### 上海縣志

#### 卷之二

水利

和等塘經由太倉出劉家等港注于大海吳淞江漸成痼疾頗難救療合相其地宜順其水性分流派泄出江達海庶消湖水泛濫之患又將江湖河港椿壩并圍裹成田魚蘆葑稗阻水去處盡行起除仍令松江通徹海潮河港勸諭近民于港口築壘土壩安置透水木槽名曰水竇潮來閉竇阻遏泥沙潮退啓竇泄放河水

### 都水書吏吳執中言順導水勢

畧曰吳淞江舊云可敵千浦今兩岸漲沙將與岸平其中僅存江洪不過二三十步溪亦不過二三尺湖水所至比之舊時萬不及一雖汪洋之勢見于上海新涇太倉劉家河通達入海豈能盡洩浙西諸郡之水合無因其就下之性順其必趨之勢于上海太倉等處相視可開河港挑浚通流仍踏視吳淞古江應有舊來出水支濇可以容易出海去處盡行疏浚務使支脉貫通出洩順便開挑之



際就命所司于已開河港之上訪求  
古跡安置閘座依聯啓閉以抑潮汐

### 明郡人南安守張弼治水議畧

松江澤國水利爲重而其水道之要者則吳淞江也黃浦也吳淞江當時惟患墊溺而詳于疏導之方不慮旱曠未及節蓄之策非慮不及此乃是時黃浦未開有墊溺而無旱曠耳黃浦之開則自永樂四年葉錢塘發之夏忠靖成之其利甚大去年水潦聞父老言較之永樂三年之水今年尚少三四尺然永樂三年以連雨十日而大潦今年連雨月餘而潦何昔之水反多今之水反少耶蓋昔以黃浦未開洩水之道隘今以黃浦既通洩水之道徑耳使無黃浦月餘之內當何如耶此大浦之大利不在吳淞江下矣然水勢急于此則緩于彼黃浦潮勢奔激衝嚙兩岸洩水益徑則淞江潮勢平緩停注淤泥洩水益隘故黃浦之濶漸倍于舊吳淞江狹處僅若溝渠矣况淞江限于低鄉之東北

### 上海縣志

#### 卷之二

#### 水利

洩水隘則益低鄉之潦黃浦界于高鄉之西北洩水徑則益高鄉之旱兩鄉異宜罕遇全熟或一歲之間一郡之內旱潦俱見有司欲以工請實難爲辭未免舉一廢一民之怨望亦不郵也此皆天時地勢之使然久晴必有久雨久雨必有久晴陰陽運化天地之自然也惟在于因其地勢之高下疏導節蓄以應之耳節蓄之方當于出浦湖口之內潮衝之所運石置閘遇農月水必委人司之以時啓閉閉則高鄉潮可以到積水不洩而少旱矣開則收藏閘板無阻行舟則此節蓄以利高鄉也疏導之方當于其中甚隘之處則疏之蒲葦梗咽則芟之蓋其水勢既緩由蒲葦梗咽漸至於塞尋尺不除遂成隄岸時加巡視使之流駛則故道不廢洩水斯便而少潦矣此疏導以利低鄉也然低鄉之用圩不修水亦不能自避高鄉之河渠不浚水亦不能逆上故有司每歲修浚但一法百弊徒勞少功而浚河之弊爲尤甚焉其初報數則曰某河若干某河若干及其興工止浚一河或亦數里五



七里而已泥濘四五鋪或止挑一鋪二鋪而已或推其高積填于深窪而已其功將畢即時星散壙水之壩仍留在河有司臨視或指一河爲二河或指其河爲某河新水既漫孰測其淺孰見其壩址名曰濬河河不加濘徒增諸壩以阻水卽鄉人所謂竹節壩者是也况黠夫雖多得賂卽放實下手者能幾人哉此特有司之未知知而防之亦易易耳雖然地方廣遠必得專官提督若委官暫至不能時巡不熟地所多爲所昧且疏導江流苟非專官豈能時巡故宋置農田水利使元置都水庸田使都水監等官亦不得已也舉事易得人難慎擇其人則刑無不與弊無不革矣

### 編修王同祖工役計費議

工役計費二事常相須計費足則工役舉故今之言治農田水利者莫急于量財蓋工役之舉歲歲興修則繁而難行數歲不治則廢而難葺故必相其工之大小而爲之制開江浚浦以十年爲率疏

### 上海縣志

### 卷之二

### 水利

決涇港築圩治堰歲歲修補或間歲一葺計費之出必量其費之多寡而爲之制若開江濬浦疏通涇瀆之大者則官爲之區畫其築圩修堰及疏決涇港之小者則取諸食利佃作之家如此則不煩于公不傷于民矣

又治田奏畧 吳中之田高者常畏旱低者常畏澇治高田之法開河蓄水而已治低田之法則非築圩不可是宜依倣古法相地形度水勢畫而爲圩高築其岸令內足以圍水圩岸既周則不惟在圩之田可無霖澇之害且湖水不得漫衍而咸歸于塘浦則塘浦之水自然滿盈迅疾可以敵海潮而去浮淤其岡阜之地亦因水勢稍高可引以資灌溉蓋一事興而數利集矣

### 工科吳巖工計疏畧

一日經度財力財力必取之民間凡遇工程一築料斂則未免府縣派之里甲騷動鄰村臣以爲水



利爲田而興財力亦必計田而出凡有田之家不  
拘官民每田一畝科錢一文每田一項科錢百文  
不但積少成多抑且衆輕易舉實爲經久之計于  
每歲秋成之時折白銀徵解各府官庫數目造報  
水利官處動支  
不計別官借貸

### 巡按御史呂光洵水利工計議

一曰估計土方之則查得先年開濬吳淞江事例  
每土四面深濶各一丈曰一方約計二十工每方  
須工食銀四錢積而至于百千萬方亦皆如此估  
計姑以一里較之若面濶十丈底濶六丈上濶下  
狹折而筭之實該八丈設使其濶倍之則其人夫  
工食亦當倍之然土之爲方凡當河底者必深近  
河岸者必淺淺深難于牽折驗派難于均平則須  
每方一帶之中通力合作務令深淺均攤又民之  
負土河有濶狹而路之遠近隨之往返之間近者  
便而遠者艱難以槩論則須差爲等級如河濶十

### 上海縣志

### 卷之二

### 水利

丈者每方派夫一十六工若濶十五丈者則加以  
一工二十丈者則加以二工以次第加大約以三  
十丈爲率則所加至四五工而止設更有濶于此者  
亦當如數加之寧使民有餘力毋使土有餘工可  
也其或民有勤惰勤者未及限而完工其應有工  
食必盡給之而勿減踰限而不完者非惟不得加  
必治而去之則惰者不得以亂羣矣至于開挑之  
法務在遠堆新土但役夫自河底負擔而上遠堆  
尤難愚意每帶兩旁各造木車三乘如方盤之式  
駕以四輪大約每乘可載土十擔使二人挽之則  
一車可當十夫土去遠而民力省矣若其工食則  
比諸役又當少加蓋彼寡而此多其用力不少無  
勞逸之殊也二曰召募夫役之方若欲論田起夫  
則田多者難于應酬田少者苦于擾害若欲挨戶  
編役則丁富者或能取足家貧者何以勾補莫若  
做雇募賑饑之法而行之各府州縣凡有關係于  
水利者先令擘畫措置錢糧已完計費已足然後  
量河渠之大小定土方之深濶料灘岸之遠近爲



夫役之多寡先期明示曉諭每都每箇限名開報官爲雇募其有因貧赴召者則不拘多寡亦于各該都畷編管或衛所應役軍丁就令千百戶鈐束與民丁一體差用並須擇精壯汰老弱取具各該都畷糧塘里老不扶甘結一紙又須每名官給竹木小牌一面其一面填寫某府州縣委官某夫長某部下人夫某一面填寫本管州縣字樣下用掌印官火烙花押以便稽考各該掌印官并治農官點齊押赴工所於是于耆塘人等中擇信實強幹者立爲百長千長委才能丞簿典史巡檢大使等官以分督之庶幾有所統攝而逋逃竄匿之弊可免也然召募之法各須附近宜令各府州縣將應募夫役銀兩各該掌印官自行附近雇募所不足者加工抵補則彼出銀而民免跋涉之勞此得民而事有底績之望誠兩便之策也然大衆烏合所賴處置得宜必頓次舍置井竈時作止禁暴虐薪芻並給醫藥有備則百姓樂于趨赴非惟可以成大功而東南亦可以無饑民矣若經久之計則必

上海縣志

卷之二

完 水利

倣前代撈清開江之制及復王政姚公舉人秦慶請置導河之夫每年于均徭定撥用其土著之民專習淘搜之事免其別差著爲定令又須于沿江沿海要害之處置爲舖舍若運河之淺舖或募貧民之壯健者每舖或五人或十人給以導河夫銀令其以時葺理且視有附近荒田與之間墾官給耕具種穀使有恒業可居而守則江浦永無淤塞之患雖或間有興作必不繁費如今日之艱難矣三曰給散糧餼之規將應用錢糧攢聚一處擇委廉能府佐一員掌之計河派夫計夫給餉遵照先年開浚白茆事例每工給銀二分五釐若凶年穀貴則每工給米一斗給銀二分使可足用其銀米府佐給之丞簿丞簿給之千長千長分給百長百長零散各夫或十日或五日一次關支每遇將散之日預令丞簿等官各赴各掌收錢糧官處計夫數之多寡每夫長給關防號票一張上開夫長某部下原管人夫若干逃亡疾病若干今查見若干應該支工食銀米若干領散各夫長執照



憑票關支關支既訖又須丞簿等官監臨各長隨  
數分封以憑府佐不測稱驗先期給與令可預備  
薪米設有剋減插和者嚴加究治其銀每兩須加  
耗三分米每石須加耗三升抵補虧折舉行如是  
則人人沾惠無不均之歎矣四曰督責考驗之法  
切照先年開浚吳淞江事例每夫一萬名選委精  
強府佐一員為巡視官凡夫長所管夫役各令該  
管丞簿等官用千字文照數編號簿記每日辰時  
各夫長照依原分字號每十名用字一個挨號排  
立以便查點仍用水牌一面大書夫長姓名該管  
人夫若干共幾字號豎立旗竿一根懸牌在上其  
旗色百長用藍千長用黃上寫各長姓名以便趨  
赴卽工之日與民約信假如每方派夫二名則以  
八日為限每方派夫四名則以四日為限積而上  
之皆如此限非大寒暑不休息非大風雨不更期  
又須置循環簿二扇紀其陰晴以稽作輟經始之  
時隨所開河身淺深樹木為的工畢之日量河底  
濶狹用滾木一根以索挽之循河而往稍有窒礙

上海縣志

卷之二

水利

卽加究治罰其再行開挑決壩之後拔去的木復  
以鐵足木鵝浮于水面驗其淺深隨流而下稍遇  
淺淤必卽傾仆於是計其淺淤丈尺之數于百長  
千長名下追其工食而丞簿等官亦計賊以枉法  
論其有勵精圖効者則加以旌獎則偷惰者無所  
容而勵精者益勸矣五日催徵會計之條嘗考往  
歲興修其出銀之法皆臨時取辦艱難百端今須  
先事儲財量財制役凡一應無礙錢糧貯積待用  
有司不得別項支銷設有不足則當因事制宜明  
白開奏或取諸存留餘米如周文襄公國初舊額  
或折銀解運如嘉靖十年恩詔事例則耗  
贈所減亦當數十萬矣此所費經費也

巡撫周孔教禁泥頭包攬公移

水利廢興以備曠溢蓄洩所關農務綦重要在高  
鄉各浚溝渠使之深以禦旱低鄉各修圩岸使之  
堅以救水惟是役不離鄉民各自便為善不意一  
種市棍號曰泥頭慣與奸胥朋謀蠶食先將各區



各畝雜派編役以開包攬之門如高鄉塘長派低鄉塘長派高一時東西奔走不支無可如何勢不得不致泥頭包攬在泥頭一攬得銀輒與胥役分受嘻嘻不顧公事間一剷去岸草增高樣墩自以爲開河而河塞如故間一撈起淤泥畧塗岸面自以爲築圩而圩壞如故甚至一墩而今年築明年又築終於不築一溝而今年開明年又開終於不開總之利歸於奸胥害積於地方今行該府縣將各區畝細造書冊不拘高鄉低鄉逐項開載本畝附近某大河某官塘本畝某港某圩岸不問靠塘腹裏一體分段應各業戶自照田畝開若干底面深廣若干一具冊一留本府一解院道永不許奸胥撥派動搖并豪家借用塘長以致紊亂庶包役夫銀永永不乾沒于塘長不垂涎于積棍如有積棍假泥頭爲各包攬悞工者照例問遣大指各就本鄉物力與本鄉水利必無使神奸侵牟以致乍行乍止有名無實至于城郭市河與城濠運泥亦應核實導河官銀或派居民浴門各自疏濬

上海縣志

卷之二

水利

決不可以小小荒苛聽奸胥派亂妄編滋弊而已

周孔教詳行華亭知縣聶紹昌濬築成規并工冊工

單式

一定每年一役之法如每縣有區區管數畝區有塘長職在督率細戶任一畝之水利其法每年輪一人主之往年之弊坐在法無畫一任意行止撥派于是奸胥窟穴其中百姓脂膏盡之使費此一大弊也今將各區水利酌其緩急劑量輕重分爲五工每年定與一工週而復始巧無倖免拙無獨勞而年年有實濬之河渠實修之圩岸矣一定工不出區之法今之神奸利於亂撥塘長者不獨淆亂派法役使不均而名曰槩縣通融實則丁不着役蓋塘長該年所統率之細戶一畝不下百人一區不下千人小民朝夕營生豈能供役于數十里之外勢不得不就泥頭之包攬於是百孔千竇



從此而出今定為工不出區之法家家戶戶使可  
 含哺餒而事畚鍤率妻孥以相春杵冬春之交農  
 事未興且各自浚其灌溉之河渠而自築其防禦  
 之法岸民雖至愚亦當倍奮矣一定冬月興工  
 之法法既畫一但有拮据之勞絕無乾沒之實惟  
 有多方規避推過冬春便可漏脫一年今將一區  
 之內高鄉則計應浚河渠若干低鄉則計應修塘  
 岸若干每區繪一總圖并該區畝田畝實數令各  
 區置塘長該年會同本區置糧長排年從公酌量  
 先分年列緩急次計工力多少均勻配搭分為五  
 工五年為率週而復始圖冊既定每年舉行限定  
 十月中農工既畢塘長該年赴縣遵照原編工次  
 投領督工白牌分工告示并工冊工單督率興工  
 定限三月中農興之日為止務完一年分定工次  
 而後已一定分段算土之法冬月塘長赴縣照  
 分定每年工冊具認狀領工後隨該本縣酌係大  
 工即日親詣勘段派工塘長該年會同該區糧長  
 排年眼同分段蓋地勢河身隨步換形其間深淺

潤狹難易不同須駕小舟行河中心用畫準丈竿  
 沿河點水所測淺深即便冊記兩邊河涯水際各  
 用一人徒跪而行持竿點水冊記如之又用兩人  
 于兩涯水際拽繩而行以量河面丈尺其測水之  
 淺深量河之潤狹看有不同處即便釘樁分段逐  
 段編號他日算土計工全在於此淺深潤狹多係  
 相同當論丈數分段如原議欲令水深八尺據現  
 在通流水有三尺此處該去土五尺矣應作一段  
 有水二尺之處該去土六尺矣應另作一段其潤  
 狹亦如之分段既明兩岸各釘一長木樑令滾入  
 上中名曰信樁樁上出十二尺上書原編號數及  
 長短潤狹淺深丈尺仍於四旁用土封識不得移  
 動此樁不獨界限分明亦可認記老岸使興工之  
 後不得增高兩岸以虛報河身丈尺而他日逐號  
 派工逐段算土皆有的據也其丈竿三根尺寸須  
 要刻定丈繩二條丈尺須用線繫定斯偏輕偏重  
 之議絕矣一定計方派土之法土方之法每去  
 土四旁上下各一丈為一方每方計土一千尺該



一千六百挑每方用起土一人名曰一置擔土二  
 人名曰二挑大凡人夫荷重妙在換肩交擔其力  
 少息乃可長用如從河底升岸從岸遠堆大約相  
 去十二三丈該用二人接挑計每日置挑三人約  
 可去土四百挑計四日積一十二工方可去土千  
 尺名曰一方而置土之人其力稍省法當更番以  
 均勞逸每日一人給米五升家為中正蓋業戶出  
 食佃戶出力若給銀錢易于生弊每一方一丈用  
 人十二該工食米六斗如河深廣濶登岸太高堆  
 土太遠亦據丈尺加增接挑人夫若行河底泥淖  
 中或從河登岸或岸上堆土從卑至高用力甚難  
 應增接挑一人每方該增四工計加工食二斗遠  
 近加減悉准此例分段之後此法既明勤惰不難  
 立判矣亦不論灌溉及與不及查係該區本年工  
 論優免亦不論灌溉及與不及查係該區本年工  
 次即將該區田地一半計畝派方照例算米如本  
 區有田三萬畝以一萬五千畝應甲年開河之役  
 以一萬五千畝應乙年開河之役

歇息如官甲園戶有田二百畝則甲歲役田百畝  
 乙歲役田百畝亦當自為循環不致併累所以不  
 論優免者浚河本以資灌溉備旱潦為已田耕耨  
 之計非公家力役之比也至于該區田畝則五年  
 輪濬次第無不周徧更不當論灌溉及與不及况  
 一區數里之內幹河支河大小資灌苦樂原是相  
 通即有河道深濶處五年輪濬冊所不及亦不得  
 希圖規避蓋通流常稔之田尤當效分力協工之  
 義但塘長該年十年輪當一次歇息之日常多惟  
 該區田地人夫兩年一役歇息時少不得過用其  
 力使為可繼大約以每畝出米二升為止又若區  
 內有拋荒地及逃亡孤苦鰥寡老病於勘工之  
 日特與免派以恤真正艱窘之輩一定督率工  
 力之法當分段造冊之後造段丈尺瞭然目中然  
 後將該區應濬河身共該若干逐段折算應挑土  
 方若干次將該區本年應役田地算該每田幾十  
 畝派開土一方逐一折算明白大書告示張掛工  
 所塘長該年據法細算逐段土方計該若干應派



某畝某甲業戶某其田地若一應浚若干遵照告示法則逐一開註工冊送縣覆驗無弊給與印信遵守然後同該年至河公同輪役五甲業戶分釘夫椿椿上明書土方丈尺及業戶姓各人認椿赴工其各畝該年又將本畝應濬夫椿每夫椿河工一段填寫工單一紙給與應役人夫以為記工支米之據每日塘長執官給白牌督率一區工役該年鳴鑼催趨一畝人夫俱要時刻在河不得少懈至晚該年各就夫椿將一日浚河人夫填註工單該年又將一日內該畝濬河人夫總數報之塘長填註工冊以俟比較每半月為一限至期塘長該年將冊送縣查比區工不及分數責塘長畝工不及分數責該年若有頑戶抗拒不行赴工又不給與佃戶人夫工食又或人夫支領工食用力不齊許令塘長該年稟究一二以儆其餘若遇風霾雨雪塘長開報定以晴天十五日為一限三限完工一定稽查工程之法凡濬築之役督率全在塘長該年故半月送冊查比而一區之勤惰立見矣

上海縣志

卷之二

水利

若頑戶最多之處必官府親詣工所查勘比較人心方有奮勵至如勘河分段之始至事畢查工之日一將工冊工單隨河丈量方絕虛報塞責之弊而稽工之法全以三椿為主初分段編號時兩岸相對各釘一樞用土封識者名曰信椿一將木樞三根刻記丈尺二釘兩邊岸底一釘河心與水面平河本無水者與土平名曰樣椿若有水者除去河水尺寸若手將應開尺寸釘入土中即時逐段冊記明自工完時樣椿原刻尺寸盡露則去土盡如數矣須河心與兩岸樣椿相同者方為合式又用丈繩手兩岸信椿相向拽平立丈竿於樣椿之上以量虛河淺深如繩在竿十尺上則虛河深十尺矣取初勘時造定丈尺查之尺寸不能欺也其逐段中或一戶自濬或數戶朋濬或一甲朋濬各各分認工次公同塘長該年丈量分任釘樞為記各日夫夫椿總之三椿者稽工之準也冊單竿繩樞王之具也驗者秤量河身查三椿測竿拽繩信王之法也所憑全以原造河冊為主一定官助



興工之法凡溝渠浜澗田土附之蓄成者多如木之有枝也名曰枝河枝河工費輕省悉資民力無煩官帑而枝河之通流全藉大河為之源委如枝葉之有本幹也名曰幹河若濬幹河先將工程計算土方明白造冊次將幹河經過區畝合算輪年應役田畝民力能任幾何其餘工力須憑官為設處協助方能興工只就原分河段信椿及細分夫椿明算土方丈尺其民力應開者責令自開其官力協助者即將官帑銀米照土方丈尺責令自開乃填註于各夫工單之上若有給散務要眼同對註明白給與各夫若各手不係田戶佃戶必要親識保認方准給發恐錢糧入手即便逃躲廢工也若給散時塘長該年無故阻撓需索及各夫親領之役為之設法侵漁者定以贓究一定照單給米之法官府始終查工全憑原勘河冊而塘夫所司在工冊各夫所執在工單但夫給一紙大覺瑣屑祇于逐段中每一夫椿給單一紙或一戶或朋戶總以一單論如係田戶本身赴工只照告示派

工法據田認方不必復論工食矣如係佃戶開河或係闕民做工當依單上原填丈尺照例支米其每日在河開浚工次該年逐日填註其支領工食數目業戶註明單上方行給發他日據此稽查各無欺隱若佃戶人等遵依赴工土方無悞而業主抗法不給工食許執單呈官追給一定要害壩閘之法水利之酌盈濟虛全在乎建閘置壩浙東地形高卑不一今時水利最善無如寧紹以其講于壩閘之制今沿海地方不能淤浚河渠蓄用山源湖蕩之水往往專用江海濁潮淤塞故道為害不小蓋潮水挾有浮沙一日兩潮每潮淀沙一簣所以旋開旋塞且湖水澄清底泥淤爛農夫簞取壅田田愈美而河愈淤濁潮灌田沙積田中田力日薄一遇大雨浮沙滲入禾心苗生漸稿而所收亦薄利害懸絕今議于豐穰之年值河身開淤處相度形勢宜建閘以時啓閉或有當築壩堰攔截此亦美利之當興者一定勘河省役之法凡勘河之法先令該區畫一河圩總圖次開幹河枝河



幾條然後按圖披冊逐一丈量通計其河若干丈自其至其面廣若干底廣若干河淺若干分註既明自不惟開浚時可計工力儻有侵占河道致妨水利者亦可以時清理其該區內有河身深廣通流者載明冊中無煩工力卽一河之身有南段塞而北段通流者亦有南北塞而中段通流者一一註明緩濬以省民力但地形水勢變遷不常法當十年一勘酌量緩急派分工次

### 邑人陝西叅議王圻東吳水利序

常讀夏書任土作貢而必先之以隨山濬川周禮大司徒專理貢賦而稻人所掌必先以濬口蓄水以防止水以遂均水以列舍水以澮瀉水至于匠人一職乃專主溝洫澮川之廣狹以通田間水道是貢賦誠不可一日廢而水利獨可一日不講哉然古今談水利者莫詳于禹貢而九川之導與三江之入壺載蓋重其貢賦之自出也自漢迄元英君察相何嘗頃刻忘東南水利哉我朝定鼎燕雲

### 上海縣志

### 卷之二

### 三美 水利

一切供億仰給東南南歲漕天下四百萬石以充祿餉而蘇松常鎮嘉湖六郡彈丸之地所出殆居其半然一顆一粒何者不產于地何者不資于水而廟堂籌畫往往于修治漕河動費數百萬金而東吳水利棄焉若置卽如吳淞一江之通塞係東南水利最鉅者齒及修浚輒以帑藏空虛為辭若論田間水道則益以為不入耳之談是經國者但知貢賦之所由入而不知貢賦之所由出坐令浦漭日漸涇淺旱澇無由瀦洩遂致霖雨數日膏腴悉成巨浸萬一經旬不雨田疇立見龜坼自萬曆戊子以來災祲疊奏逋課歲積杼軸既空催科愈急無惑乎人愁鬼泣禍亂之萌將有不可勝言者予生長海右頗熟地勢浚治之法亦非難事大都四郡水利在上流者不可勝計而大者止長橋百漕五六所在下流者亦不可勝計而其大者止吳淞婁江白茆等十餘所欲修水利者先要害惟先治長橋等處菱蘆壅滯之地導太湖之水散入陽城昆城三泖等湖而又濬吳淞婁江并大石趙屯等



數十大浦洩澗山之水以入海又開白茆許浦七  
楊福山等塘港以洩陽城昆城諸水注于江達于  
海又令各縣分督各邑導田間之水悉入于小浦  
導小浦之水悉入于大浦則澹者洩者兩無阻塞  
而農田國課  
永有利賴矣



水利 治蹟

唐開元元年築捍海塘起杭州鹽官抵吳淞江長一百五十里

宋寶元元年兩浙轉運副使葉清臣開松江盤龍滙  
滙介華亭崑山之間迴次迂緩江流阻遏大雨汎  
濫淪稼穡壞室廬殆無寧歲清臣以太史轉漕本  
路建議醜為新渠從滬瀆入海直流其患遂弭

慶曆元年知華亭縣錢貽範開顧會浦

章峴記畧云慶曆辛巳歲夏六月彭城錢君以九  
棘丞來更縣章縣西北走六十里趨青龍鎮浦曰

上海縣志

卷之二

三 水利

顧會南通漕渠下達松江舟艦去來實為衝要康  
定建元之後愆澤仍歲錢君惻然有濬浦便民之  
志乃籍新江海隅北亭集賢四鄉之民得役夫三  
千五百五十人庀徒之始患穀高民饑又重費官  
廩募邑之大姓泊瀕浦豪居力能捐金錢助庸者  
意其豐約疏之於牘誘言孔甘喜輸重來凡得錢  
一百三十六萬計粟之直頭會而晨敷之由是扞  
日告戒標明部分定幟臚呼荷鍤雲集興三月辛  
酉訖四月巳丑始於邑郭終於江澨增濶四尺泉  
廣八尺無慮役工十萬二千九百五十畝土平道  
者不預焉距縣半里舊設  
堰埭壅其上流今則仍貫

嘉祐五年轉運使王純臣請令蘇湖常秀修作田塍  
位位相接以禦風濤令縣官教誘殖利之戶自作  
塍岸定其勸課為殿最



嘉祐六年轉運使李復圭開白鶴滙如盤龍之法  
元祐三年常平使者調蘇湖常秀之人濬青龍江分  
地程役

紹聖中轉運副使毛漸開大盈諸浦入吳淞江

崇寧二年宗正徐確提舉常平考三江之說以爲太  
湖東注於海松江正在下流向來潮泥壅塞水溢  
爲患請自對家渡古江開洶至大通浦直徹海口  
七十四里上海合嘉定二縣借役以常平錢米十  
八萬三千餘充調夫之費因令饑民就食確躬操  
上海縣志

卷之二

三  
水利

畚鍤以先之水道遂通或言饑民就役多死降三  
秩確曰使此役不興饑民當駢首就死以此獲愆  
吾所願也

大觀元年中書舍人許光凝奏太湖入海然後水有  
所歸今吳中積水視去歲損二尺前歲損四尺良  
由開松江濬八浦之力吳人謂開一江有一江之  
利濬一浦有一浦之利願委官詳究利害十一月  
詔委本路監司簡按松江古跡疏導

三年兩浙監司奏請開洶吳淞江復置十二牐



宣和元年兩浙提舉常平趙霖又開白鶴漚

紹興四年鹽官丞王珏開華亭海河二百餘里通漕

漑田民享其利

十五年通判曹詠重開顧會浦又濬鹽鐵塘更名下

沙浦以入江

揚炬記畧云三江東注震澤介其間潦集川溢畎澮皆盈而浙右數被水患蘇秀湖三州地形益下故為害滋甚紹興甲子夏大水吳門以東沃壤之區悉為巨浸部使者飭郡邑詢求故道導源決壅以洩水勢於是監州曹公以身任責乃歷覽川源攷視高下得顧會港南接漕渠而下屬於松江按上流得故閘基僅存敗木是為旱潦潮水蓄洩之限復得慶曆二年修河記於縣圃而知茲廢興之

上海縣志

卷之二

旱

水利

歲月與夫淺深廣狹之制役徒錢穀之數蓋曆百有六年河久不濬而淪塞淤澱行為平陸遂籍新江海隅北亭集賢四鄉食利之民以疏治之興工自十月二十有六日役三月而河成役工二十萬用糧以石計七千二百為錢以緡計二萬五千

乾道二年轉運副使姜詵開通波大港

即顧會浦以入江

又置張涇堰閘

按許克昌濬河置閘碑畧曰隆興甲申秋八月霽雨害稼明年大饑上命姜詵周覽川野窮源委度高下審逆順取衝要盡得其便利以聞詵奏曰東南瀕海之地視諸港反高雖有神禹不能導水使上也盡開諸堰適以挽潮為害閘湖以瀦水可矣將以決洩而下流淤壅則無益也今宜濬通波大港以為建瓴之勢又即張涇堰旁增庫為高築月河置閘其上謹視水旱以時啓閉則西北積水順



流以達於江東南鹹潮自無從入也上稱善

前進士胡恪隨司門員外郎李公傳相度開修三江積水凡用二百三十二萬七千八百一十五工錢糧一十八萬三千九十八貫石

元至元三十年值霖潦知水人潘應武與吳俊張桂榮等承浙東僉院宣慰之命相視合修河渠即湖田開新港三濶三十餘丈及濬趙屯大盈二浦

大德二年中書省奏立浙江都水庸田使司三品衙門於平江路設置專一修築圍岸疏濬河道尋罷

上海縣志

卷之二

水利

八年僉仁發奏立行都水監開吳淞江置木閘

名臣事畧吳淞江記云歲甲辰前海道千夫長任仁發言吳淞江故道湮塞使震澤之水失其就下之性為浙西居民害垂二十年上疏條其利病疏導之法中書省以聞特命平章徹里公董其役公乃相其山川形勢之宜高深廣狹之度工役之數錢糧之費畚鍤之用飲食之需命民索綯乘屋厚藁積以防其卑濕為醫藥以防其疾疫時作輟以防其倦怠上以誠感下下以誠應上民乃權呼四集樂於趨事赴工始於大德八年冬十一月西自上海縣界吳淞舊江東抵嘉定石橋洪迤邐入海長三十八里一百八十一步三尺深一丈五尺濶二十五丈役夫為數一萬五千為工一百六十五萬一千六百七十有奇至九年二月畢工復置開寶啓閉以時物無疵癘民無夭闕而事竟集

十年行監復開挑吳淞江東西兩處河道自本縣界



趙屯大盈二浦白鶴江盤龍舊江計長三十七里  
三百二十二步其中樊浦爲首下接新涇舊江面  
濶二十丈其餘不等俱深一丈五尺又於廟涇以  
西盤龍以東開挑木口五處新涇南北置二木閘  
北閘湍急不立

至大初江浙行省督治田園之岸五等高止七尺五  
寸低止三尺以水與田相等地分高下爲差

泰定元年前都水監任仁發董工開吳淞舊江二道  
烏泥大盈二河其法以戶有納苗田一頃五十畝

上海縣志

卷之二

水利

差夫一名計四萬有奇每名日支糧三升中統鈔  
一兩

三年任仁發等於上海縣之潘家浜烏泥涇二處各  
置二石閘以遏渾湖使牖內清水衝渣江道深濶  
至順至元間水因閘患復開元堰直河置斗門於張  
涇盤車二堰

至正元年復立都水庸田使司撈漉吳淞江南北岸  
下泥沙疏浚各河十數用夫一十九萬八百四十  
給糧四千七百四十七石鈔三千一百六十四錠



各有奇

明永樂二年戶部尚書夏原吉治水蘇松掣崑山嘉

定諸塘浦引吳淞江入劉家河濬范家浜接黃浦

達海

初朝廷以蘇松水患為憂命戶部尚書夏原吉疏治太常少卿袁復輔之尋遣僉都御史俞士吉齊水利集賜原吉使講求拯治之法原吉具奏畧曰浙西諸郡蘇松最居下流太湖綿亘數百里受納杭湖宣歙諸州溪澗之水散注澱山等湖以入三江頃為浦港湮塞滙流漲溢傷害苗稼拯治之要法在濬滌吳淞江諸浦導其壅滯以入於海按吳淞江舊袤二百五十餘里廣一百二十餘丈西接太湖東通大海前代屢濬屢塞不能經久自吳江長橋至夏駕浦約一百二十餘里雖云通流多有

上海縣志

卷之二

水利

淺狹之處自夏駕浦抵上海縣南踰浦口可百三十餘里潮沙漲塞已成平陸欲即開濬工費浩大且灘沙淤泥浮汎動盪難以施工臣等相視得嘉定至劉家港即古婁江徑通大海常熟之白茅港徑人大江皆係大川水流迅急宜濬吳淞江南北兩岸安亭浦港以引太湖諸水入劉家白茅二港使直注江海又松江大黃浦乃吳淞江要道今下流壅遏難疏傍有范家浜至南踰浦口可徑達海宜浚令深濶上接黃浦以達泖湖之水此即禹貢三江入海之跡每歲水涸之時修築圍岸以禦暴流如此則事功可成於民為便

正統六年巡撫工部侍郎周忱修吳淞江立表江心

盡去壅塞其兩岸塗漲居民開墾成田者計畝收

稅以補崩塌之數

宣德末邑人杜宗桓上書侍郎至是蓋畧行之



天順四年巡撫都御史崔恭濬大盈浦至吳淞江鑿江自崑山夏駕口至嘉定莊家涇出舊江一萬三千七百步永樂初引松江北入劉家河江之東段未曾施工濬浦漚塘及新涇四千丈深皆二丈濬六磊塘鸞竇河烏泥涇沙竹岡諸水通流入浦民感其惠因呼曹家溝爲都臺浦云董役者府通判洪景德華亭知縣石玫

### 上海知縣李紋

學士錢溥記畧曰吳淞江自勝國末湮塞迄今逾百年稍遇霖雨卽成一壑國賦虧而民艱食矣天順二年都憲崔公奉勅巡撫東南首詢水患以松爲尤甚乃舉府判洪景德及二縣尹石玫李紋治

### 上海縣志

#### 卷之二

#### 水利

之相視以爲江之故道雖濬必合莫若從新地鑿之力易爲而功不壞起自大盈浦東至吳淞江計二萬二千丈又自新涇西南至蒲漚入江計四千丈濶皆一十四丈深皆二丈而低鄉之潦可洩東北則自曹家河平地鑿至新塲計三萬餘丈深濶皆與江同又濬華涇塘六磊塘鸞竇湖烏泥涇入浦而高鄉之旱亦免大小聯絡無不通貫用工總三萬五千餘

成化八年置僉事於浙江專治蘇松等府水利知府

自行中築捍海塘初沿海並有塘隄歲久頽圯七

年秋大風海溢漂人畜沒禾稼巡撫都御史畢亨

巡按御史鄭銘水利僉事吳璠僉議復隄行中承

檄委同知傅愷楊憲華亭知縣戴冕上海知縣王



密之督工興築每浹辰行中輒一臨視越兩月而塘成華亭南至海鹽築三萬四千七百六十有九丈又爲外隄至平湖五十有三里用耆民居文上吳克平議海北至嘉定築一萬七千七百四十有八丈面廣二丈趾倍之高一丈有七尺

弘治初僉事伍性濬吳淞江中段四十餘里及顧會趙屯都臺諸浦蒲漚楊林新涇諸塘

正德十三年部使成舉里人倪鏞董濬龍游馬

路二港

上海縣志

卷之二

四五 水利

郡人莫如忠記畧新塲海上巨鎮其東有五龍墩又東折而南北爲諸竈港及龍游港衡鎮其間而鎮之西曰馬路港者實受海潮之入自黃龍浦達諸港漑農畝以鉅萬計而商人藉通醴艦取贏不訾斯東南之大利也正德之季諸港就湮僅以形辨潮壅淤若蹄涔而商賈之胥病非一日矣歲戊寅部使者成公至理鹽政議興水利則莫諸港先而難其任使時里人倪鏞倣儻有義槩爲運承徐君紹先所知上其名成公因署鏞董其役鏞卽毅然任之不閱月工訖引水內向數十里間彌望皆沃衍而商艦殷奏農畔樂業咸賴其利鏞之子淑亦樂善好施邑以倭亂築城淑獨築城南三臺復出米千斛以佐軍興凡卑力奉公類如此

七年工部侍郎徐貫奉璽書治水東南府通判郝希顏承檄濬吳淞江自帆歸口至分莊七十餘里知



縣董鑰築西鄉田圍

十二年府通判原應宿濬崧子浦犀嘉浜

嘉靖元年巡撫都御史李充嗣奉命用崑山嘉定華亭上海四縣民力相繼開吳淞江上海分地初自崑山縣界東至白鶴江後自嘉定縣界東至吳塘總四千餘丈役夫二萬三千有餘給散銀米八千餘兩石犒勞旬至焉知縣鄭洛書調度主簿黃明董工

隆慶四年大饑民多思盜巡撫都御史海瑞請開吳上海縣志

卷之二

水利

淞江借支軍餉及各處發追稻穀賊罰導河夫無礙等銀委本府同知黃成樂本縣知縣張嶺剋期開濬查勘舊蹟共計長一萬一千五百七十一丈濶三十餘丈議半開河面一十五丈除嘉定應濬外上海實開長六千五百三十一丈八尺餘面濶一十五丈底濶七丈五尺深一丈五尺六寸餘共計用工食銀五萬餘兩畚鍤雲集盜因以息不兩月而工告成

奏疏畧曰吳淞江盡洩大湖之水由黃浦入海近年以來水利以曠職不修撫按亦不留心潮泥日



積通道填淤太湖因之奔湧四溢勢所必至為害之大滄涸禾畝如嘉靖四十年今隆慶三年是也而小為淤沒漂涸之患亦時有之是吳淞江一水國計所需民生攸賴修之舉之不可一日緩也臣於舊歲十二月巡歷上海縣親行相視旋委上海知縣張嶺率領沿江任居父老按行故道量得淤塞當淤地長該一萬四千三百三十七丈二尺原江面濶三十丈今議開十五丈許該用工食銀七萬六千一百二兩二錢九分今二麥未播方春正月米每石價銀已入錢五分矣饑民動以千百告求賑濟臣已計將前年蕩河天銀臣本衙門贓罰銀兩各倉儲米穀二萬石率此告濟饑民按工給與銀穀於今正月初三按江故道興工開濬委松江府同知黃成樂督率上海縣知縣張嶺嘉定縣知縣邵一本分理興工之中兼行賑濟千萬饑民稍安戢矣但工程浩大銀兩不敷饑饉頻仍變故巨測官儲民積計至二月間盡矣江南四面皆荒湖廣江西有收府縣又執行閉糴無從取米伏望

上海縣志

卷之二

水利

皇上軫念民饑當恤吳淞江水道國計所關勅下該部酌議商量留蘇松常三府漕糧二十萬石准照前者銀數改折凡應天等十一府州縣庫貯不拘各院道諸臣項下無碍贖罰銀兩聽臣調用浙江杭嘉湖三府與蘇松常三府共此太湖之水吳淞江開則六府俱蒙其利塞則六府同受其害其庫藏銀亦如應天等府一例所用彼處饑民亦聽上工就食吳淞借饑民之力而故道可通民借銀米之需而荒歉有濟一舉兩利地方不勝幸甚

萬曆十五年吳中水災異常特設水利道專管江南水利駐劄松江以副使許應達領之首濬松江次及諸水費帑無功應達隨以劾去

二十六年知縣許汝魁築捍浦塘邑人副使王體仁



有記

二十七年知縣徐可求開小南門水關卽薛家浜故道此水通塞係一邑人文盛衰因築城斷塞嘉隆以來屢議鑿城知縣教選許汝魁俱詳允開復爲勢家所阻今士紳力請轉詳開鑿

四十五年知縣呂濬開由郡城抵縣內外水道

陸彥章碑畧 上海澤國也城中士民麗雜苴礫雜投而豪家大族漁鬪而小利岸日益拓河日益狹久則屋其上無故迹可尋故而民旱則涓滴無所容潦則溝澮無所洩穢則蒸厲火則延燼城西河港漸成平陸郡邑往來者非步卽騎不然取道龍華轉黃浦始得達潮退則一芥可膠風橫則萬

上海縣志

卷之二

水利

斛可覆呂公至爲父老疏城中河河旁有屋其上者不問單赤豪貴立撤如河故跡而止凡百日而工竣乃疏城外河城西自肇嘉浜至新港濬十八里城北虬江達嘉定濬十五里丁夫雲集又值歲晚冬曠凡百日而工又竣自是郡城之舟直泊縣門汲者舍浦而城行者舍騎而舟公私兼利

天啓元年呂濬濬蒲滙塘肇嘉浜及城內市河又修築蒲塘邑人太僕少卿陳所蘊有記

二年知縣鮑奇謨濬張家塘東自黃浦口起至華亭界長三千二百丈五年復濬長一千一百六十丈自萬曆間頻遭水患專設蕪河夫役有司加意修濬每歲舉行江湖通利



崇禎元年蘇松水利道張孝濬陸道浜莘村塘小閘  
港四千九百餘丈

二年巡撫都御史曹文衡檄同知錢永澄濬俞塘等  
河萬餘丈修築黃浦塘岸二千餘丈又濬肇嘉浜  
二千五百餘丈

四年知府方岳貢濬新涇一千八百餘丈

五年巡撫莊祖誨督通判朱啓元濬新塲河沈莊河  
七年巡撫都御史祁彪佳督濬蒲滙莘村等塘知縣  
劉潛濬虬江

上海縣志

卷之二

水利

本朝順治三年巡撫都御史士國寶修築捍海石塘  
九年巡按御史秦世禎檄華亭知縣劉成龍濬六磊  
紫岡沙岡竹岡蒲滙諸塘仍令塘長每歲修治不  
得汎濬遠方

康熙七年巡察使者肯赤黑等駐邑建防海之策疏  
將界浜虹口西虬江三河用木椿釘斷嗣有廳營  
各役私將東溝東虬江馬家浜洋涇西新塘夏海  
浦楊樹浦等處漸次釘斷民甚病之紳衿張錫懌  
陳完等於十八年十一月呈縣及督撫請開私釘



各河力陳大弊於二十年四月奉總督阿席熙巡撫慕天顏允行飭蘇松常道祖澤浚松江知府魯超行縣將私釘各河俱開通訖今營中又創改椿爲柵之議所賴當事諸賢力持斯議永杜民害焉

張錫懌請開釘椿呈畧 釘塞原非上行籲憲電明始末亟賜開椿以蘇民困事康熙七年巡察使者肯赤黑等於防海疏內將界浜虹口西虬江三處木椿釘塞至於傍浦內地之支河小港如東溝東虬江馬家浜洋涇西新塘夏海浦楊樹浦七處歷查部文憲行從無釘塞情由不料數年以來突將各處漸次釘塞內河填咽洩瀉無從腹地膏腴盡成灌莽揆厥所由皆因聽營各役影借部行朦朧報釘以致近椿居民每月有查椿給狀之費每夜有輪值守守椿之苦時有衝壞又多補換賠累小

上海縣志

卷之二

水利

民愁苦吞聲更有不敢盡言者懌等生斯長斯確見此數處木椿並無出沒踈虞已經連名具結百口力保伏乞憲臺俯電廳營申文便知原無憲行釘塞並無日後干碍立飭該縣開通取結遵依在案移咨提憲并飭海防廳及川沙黃浦兩營遵依具結不得再以違碍爲辭則民困得甦戴德永世矣

十年巡撫都御史馬祐會同總督侍郎麻勒吉浙撫范承謨疏開劉河吳淞江及濬新涇口等并修復舊址壩閘湍飭布政司慕天顏動支漕折銀充用又飭蘇松常道韓佐周劃疆分段議濬江面濶十五丈底濶七丈五尺濬一丈五尺共爲十二段每



段三里六分於內又分四十號委松江府通判周祚昌蘇州府同知師佐耑董其事又委本縣知縣康文長及幕佐等官十二員分督其工本縣以通縣三百區募夫二萬名每區選耆老一名每十名立一甲長每十甲立一百長每夫日給工食銀五分本年十二月興工十一年三月竣工計吳淞江及新涇口等處共一萬一千八百五十一丈本縣自黃浦口起至盤龍黃浜止實開八千五百一十七尺共計工費銀七萬五千七百五十二兩零餘

係青浦嘉定二縣開濬昔夏忠靖權於夏駕浦開通以達吳塘而棄其東段海忠介自宋家港西至黃渡而不及西段今得成前賢所不克全之績實當事諸公贊畫之力云

奏疏畧 查得蘇屬劉河口松江屬吳淞江係江南蘇松常浙江杭嘉湖六府洩水咽喉疏則六府同其利塞則六府同其害上年湖水汎濫人口流亡總由劉河吳淞江入海之口淤塞之故臣念國課民生關係重大委官丈勘應開劉河淤道二十九里總計人夫三十九萬八千四百一十二工建閘三座每座工費千金約共需銀四萬兩應開吳淞江四千三百五十一丈應濬新涇口等處七千五百餘丈并修復舊址壩閘約共需費十萬兩請將蘇松常三府康熙九年分漕折銀九萬兩浙省杭



嘉湖三府漕折銀五萬兩准留充疏濬河工經費  
俾各處逐荒饑民就近上工趁食是修復水利之  
中兼行賑濟之事一舉兩利

康熙九年間有邑庠生史啓贍王偉里民徐宰等  
具陳開濬吳淞江條議于邑侯康文長通詳各憲  
至具題後多採行之里民高向榮請從養馬院  
宋家橋徑直出浦減濬三百餘丈省帑多金

一年六月吳淞江建三洞石閘一座十二月告成

閘工既竣吳淞司巡檢率閘夫三十二名揣司啓  
謂黃浦營撥兵數各守汛盤詰旋因水勢衝激四  
面石塘塌壞各憲調黃河埽手數名辦藤蔴柳枝  
等物築成二壩每日用夫三百名岸水修築工費  
繁瑣慮難成功適知縣任辰旦到任詳憲撤回埽  
手省築壩岸水諸費另募浙匠數人泅水修築又  
將本縣各灘舡輪撥裝運廢磚瓦屑擁護椿腳費  
省工倍閘夫原議五十名奉憲裁減十八名將工

上海縣志

卷之二

水利

食貯庫以作修閘之用每名日給工食二分油索  
銀一分每年每名給銀一十兩八錢通共給銀三  
百四十五兩六錢於義租項下按季支領二十一  
年正月西北護塘迸裂今知縣史彩察係水滲沙  
虛兼丈西南護塘原長一十四丈西北護塘僅長  
十丈所以水勢迅激易致損壞遂命原修浙匠增  
拓四丈又移進實地二丈工料工食共銀一千五  
十兩零史邑侯捐俸四百餘金餘請憲於存留義  
租項下動支得完厥工與任  
侯修築之工實堪媲美云

江口建閘遂爲上嘉孔道自閘而南至北門計路  
三里餘每霖雨泥淖行旅病之里民張有榮捐貲  
勸募鋪石街六百餘丈工費繁鉅邑紳張錫懷助  
鋪一百五十丈里民孟希賢等亦助鋪二十丈或  
十丈不等  
遂得完工

十六年十二月濬馬家浜一帶以塘長禁葦於傍河



田畝隨地起夫從公均任田主每畝出米三升佃戶隨田出力擇本畝耆民董其役凡兩閱月而工竣

十七年濬蒲漚塘新涇邑人張錫懌有條例詳列利弊實可遵行迨開濬之時奸蠹包攬侵漁偷決大壩致督工官縣丞鄺蜚煌倉皇自經迄無成功

附條例 一重守壩開河之弊每有奸徒包攬看銀未及半工輒將壩口偷決以遂中飽今應嚴加看守必俟河工告成擇日開壩如工未畢而壩先決者將守壩人立置重典 一嚴工派兩河大役與別工不同必須通縣均任應將各保區甲盡數均派以杜偏漏之弊如有影射漏免者每甲罰開

上海縣志 卷之二 水利 十六

城河一丈 一督實濬蓄蠹包攬侵漁必多留生段若一段留生則通河梗阻今議分委佐貳同鄉紳分作三段如法開濬刻期告竣各段開完公同查閱不使弊留生段得以久遠通流 一定丈尺蒲漚塘面濶七丈五尺底濶三丈七尺每一百甲派濬三十丈其底濬一丈五尺每區立一樣椿照式開濬逐段查驗如不及數者懲處補足 督工官方給完工號票許免本年雜差

八年二月濬鸞寶湖亦照田派夫民樂趨事不兩月而告成

九月邑人陸鳴球倡議重濬趙家溝請於署縣事同知唐朝宣給示就近蠲濬西自東溝浦東至運鹽河南達都臺諸浦北通界浜東西長二千餘丈



濶六丈深二丈工費五百餘兩閱五十日而告竣

此河灌田千頃湮塞已久明朝崇禎時鳴球祖明允獨力重濬本朝順治十三年鳴球父貢士起鳳請於巡撫都御史張中元撥塘長再濬今鳴球倡議蠲費克承先志士人賴之

十九年二月濬俞塘六磊塘亦倣濬鷺竇湖例以一畝之田開一畝之河不煩公帑亦不隔遠調派縣丞徐煌督工於四月終告竣

二十三年今知縣史彩以漕運由浦入江多風濤之險又見城濠淤塞幾成平陸與紳衿耆老會議捐倡開濬士民翕然樂輸并濬寺浜故道俾漕運由

上海縣志

卷之二

水利

城濠入寺浜達吳淞江得免大浦之患又濬城內各市河以通舟楫於本年五月興工漸次告竣現給工食不假手吏胥絕包攬侵濬及梗段欺飾諸弊自前令呂濬開濬以來百年有餘屢議屢止一旦通流濟運軍民共利合邑賴之

